

Lade
Gottes.

ND David hielt einen Rat mit den Heubtleuten vber tausent vnd vber hundert / vnd mit allen Fürsten / vnd sprach zu der ganzen gemeine Israel / Gefelt es euch / vnd ist's von dem **HERRN** vnserm Gott / so lasst vns allenhalben ausschicken zu den andern vnsern Brüdern / in allen landen Israel / vnd mit jnen die Priester vnd Leuten in den Stedten / da sie vorstedte haben / das sie zu vns versamlet werden / Vnd last vns die Lade vnser's Gottes zu vns widerholen / Denn bey den zeiten Saul fragten wir nicht nach jr. Da sprach die ganze Gemeine / Man solt also thun / denn solchs gefiel allem Volck wol. 2. Reg. 6.

Also versamlet David das ganz Israel von Sihor Egypti an / bis man kompt gen Hemath / die lade Gottes zu holen von Kiriath Jearim. Vnd David zoch hinauff mit ganzem Israel zu Kiriath Jearim welche ligt in Juda / das er von dannen er auff brecht die lade Gottes des **HERRN** / der auff den Cherubim sitzt / da der Name angeruffen wird. Vnd sie liessen die lade Gottes auff ein neuen Wagen führen aus dem hause Abinadab / Vsa aber vnd sein Bruder trieben den Wagen. David aber vnd das ganze Israel spieleten für Gott her / aus ganzer macht / mit Liedern / mit Harffen / mit Psalter / mit Pauken / mit Cimbeln / vnd mit Posaunen.

Perez Vsa.

DA sie aber kamen auff den platz Chidon / recket Vsa seine hand aus / die Laden zu halten / denn die Rinder schritten beseit aus. Da erzürnet der grim des **HERRN** vber Vsa / vnd schlug in / das er seine hand hatte ausgereckt an die Lade / das er daselbs starb für Gott. Da ward David traurig / das der **HERR** ein solchen Riss that an Vsa / vnd hies die stet Perez Vsa / bis auff diesen tag. Vnd David fürcht sich für Gott des tages / vnd sprach / Wie sol ich die lade Gottes zu mir bringen? Darumb lies er die lade Gottes nicht zu sich bringen in die stad David / sondern lencket sie hin ins haus Obed Edom des Githiters. Also bleib die lade Gottes bey Obed Edom in seinem hause drey monden / Vnd der **HERR** segenet das haus Obed Edom vnd alles was er hatte. Inf. 16.
2. Reg. 6

Obed Edom

XXV.

Hiram.



ND Hiram der könig zu Thyro sandte boten zu David vnd Cedern holz / Meurer vnd Zimmerleute / das sie jm ein Haus baweten. Vnd David merckt / das jm der **HERR** zum Könige vber Israel bestettiget hatte / Denn sein Königreich steig auff vmb seins volcks Israel willen. Vnd David nam noch mehr Weiber zu Jerusalem vnd zeuget noch mehr Söne vnd Töchter. Vnd die jm zu Jerusalem geboren wurden / hießen also / Samma / Sobab / Nathan / Salomo / Jebhar / Elisua / Elipalet / Uoga / Nepheg / Japhia / Elisamma / Bael Jada / Eliphalet.

Kinder Da
uds zu Jerusa
lem geboren.(Baal Pra
zim)

Baal heisse ein Hauswirt oder man. Perez heisse ein riss oder fack / Darumb mus die se stet Baal Prazim heissen / weil die Philister da zu trennet vnd zu rissen stad.

Ad da die Philister höreten / das David zum Könige gesalbet war vber ganz Israel / zogen sie alle er auff David zu suchen / Da das David höret / zoch er aus gegen sie. Vnd die Philister kamen vnd liessen sich nider im grund Kephaim. David aber fragt Gott / vnd sprach / Sol ich hin auff ziehen wider die Philister / vnd wiltu sie in mein hand geben? Der **HERR** sprach zu jm / Zuech hin auff / Ich hab sie in deine hende gegeben. Vnd da sie hin auff zogen gen Baal Prazim / schlug sie David daselbs / Vnd David sprach / Gott hat meine Feind durch meine hand zutrennet / wie sich das wasser trennet / Da her hießen sie die stet Baal Prazim. Vnd sie liessen ire Götter daselbs / Da hies sie David mit feur verbrennen. Phili
ster von Da
uid geschla
gen.
Jesa. 28.

Ber die Philister machten sich wider dran / vnd theten sich nider im grunde. Vnd David fraget aber mal Gott / Vnd Gott sprach zu jm / Du solt nicht hin auff ziehen hinder men her / Sondern lencke dich von jnen / das du an sie komest gegen den Maulberbewmen. Wenn du denn wirst hören das